

IOANNIS  
Brunsvuerdi, Ma-

*W. Herbert*

clesfeldensis Gymnasiiar-  
chæ Progymnasmatum  
quædam Poe-  
tica.

*Sparsim collecta & in lucem edita, studio  
& industria Thomæ Newtoni  
Cestreshyrij.*



LONDINI,  
Impensis Thomæ Woodcoki,  
In cœmiterio Paulino, ad interfig-  
num Vrsi nigri,

1589.

2117A-03

1911

Page 10

WILSON  
Wilson Railway  
Wilson  
Wilson



VIRIS, PIETATE, SA-  
pientia, eruditione, honore, præ-  
stantibus, munificisq; bonarum litera-

rum Meccœnatibus, D. *Thomæ Henneagio*,  
& D. *Ioanni Fortescuto*, serenissimæ  
Reginæ ELIZABETÆ à sanctiori-  
bus Concilijs, &c. Dominis mi-  
hi summa obseruantia co-  
lendis.

Q Vi (mea dum canto & *Lelandi* Epigrammata) vestris  
Ante nouem menses auribus obstrepui :  
Nunc, benè *Brunswerdi* tornata Poemata nostri  
Offero. Vos cœptis (oro) fauete meis.

Vos (inquam) quos alma sui Regina Senatus  
Adscripsit numero, magnificoq; choro.  
Atque potestati quorum commisit habenas,  
Ampla domi vt fiant munia, vt ampla foris.  
Vos, quibus Angligenæ cuncti ampullantur ouantes;  
Vos, quorum è labijs Attica mella fluunt.  
Pro solita bonitate (precor) candoréque mentis  
Ingenuæ, nostra hæc consulitote boni.

*Dignitat. V. deuotiss.*

Thomas Newtonus.

In hæc D. Io: Brunfuerdi Præceptoris opt.

Poemata, Hugonis Winingtoni *scripsit*.

**P**lrythoum nigri tendentem ad limina Dis,  
Theſeus ad Stygias eſt comitatus aquas.  
Deſuit & nunquam Pylades Phoeius Oreſti,  
Fultus Achillæa eſt ſepè Patroclus ope.  
Tu tamen hos longè ſuperas pietate, Magiſtrum  
Qui aſſeris ex fati conditione tuum.  
Penè etenim tot iam vigilata in carmina noctes  
(Proh dolor) immundo deperiere ſitu.  
Sed Præceptoris ſortem miſeratus, ab undis  
Hæc Acherontais tu monumenta rapis,

Ad Thomam Newtonum, de horum Poematum  
editione, Guil. Hanfordus.

**B**runfuerdum montofa ſuum Maxfeldia deſlet,  
Quem rigido incluſit trux Libytina rogo.  
Ac præceptorem deſlet numeroſa iuuentus,  
Sed qua tarda venit, vana querela venit.  
At licèt ille brevis deſunctus munere vita,  
Seceſſus ierit latus ad Elyſios :  
Tu tamen hoc præſtas, meliore ut parte ſuperſit,  
Effugiantque auidam carmina culta pyram.  
Ad eundem, Reginaldus Briſcous.

**A**ntipelaſgian didiciſſe videris, amico  
Bruſuerdum ſtudeas qui celebrare ſtylo.  
Illo, te, nobis, rem præſtas candide dignam  
Newtonæ : hinc & erit patria grata tibi.

Ranulphus Barlous.

**H**æc pia ſcripta ſcatent nulla ſtribligine, nullas  
Hic apinas, tricas, quiſquiliæ ſue legis.  
Optima ſed doctis condita Poemata philtris,  
Muſarum ſtrophis & variata nouis.



Ioannis Brunsvuerdi, Macles-  
feldensis Gymnasiarchæ,  
Poëmata.

Davidis cum Golia Philistæo con-  
gressuri panoplia.

1. Sam. 17.

**G**randia dum parvis aptaret regius olim  
Psältes arma humeris, qua modò Saulis erant:  
Proiecit, roseoque hac insuper addidit ore,  
Vah, mihi non quadrant, sed magis ista nocet.  
Nam grauis offendit cassis caput, & latus urget  
Lorica, atque agris passibus ingredior.  
Iniustum femur hoc gladium gerit, ah, magis ensi  
Adstrictus videor: sint procul ista, procul.  
Paruum parua decent, magno molimine factis  
Ut erex armis, nam tibi conueniunt.  
Pastori baculum concedas, peraque funda  
Ascedat, famulo sunt satis ista tuo.

Asclepiadæum.

**D**um Saul exuias, armæque bellica  
Aptaret modicis artubus Isai  
Natus, disparileis continuo excutit  
Ornatus, referens, amoueantur hac,  
Nil prodest sed obest tam mihi splendida  
Armorum facies, tantæque vastitas:  
Nec ritè ingredior, tam graue tegminis  
Sustentans onus, ah tollite, tollite  
Loricam hanc inuenis pondus inutile

B

Membrum

*Membris exiguis, nempe aliud genus  
 Pugna percipio. Posco domesticum  
 Pastori baculum, notaque verbera  
 Funda: vah, minimis quàm benè congruunt,  
 Quæ sunt parua viris? fortia fortibus,  
 Depono hæc humeris grandia grandibus.*

*Phaleucium.*

*I*dam dum lacerat malignus olim  
 Goliath, malè pronocatque numen,  
 Blasphemus, tumida ciètque voce  
 Ad pugnam: emicuisse Iessenatus  
 Hebrai lyricen decùsque templi  
 Tum fertur, populo nefàsque tantum  
 Sese, ut dilueret, dicasse sacro.  
 At postquam manibus librauit alti  
 Regis panopliam, reponit, atque  
 Sic fatur: validis relinquo vasts hæc,  
 Vasto digna viro, grauat ferentem  
 Cassis, tum gradiens laborat omne  
 Corpus, fulmineo latùsque fessum  
 Constringi queritur mucrone, cedo  
 Ore exuuijs; rudis bacillus,  
 Armabit benè, missilisque funda.

*Sapphicum.*

*M*ente vesana truculentus olim  
 Dum gigas vrget populum sacrato  
 Fœdere insignem, violatque numen

*Ore cruento:*

*Horret aspectum, refugit duellum,  
 Fortis educens gladium, pauescit  
 Agminis princeps, trepidansque turba  
 Conticet omnis.*

*Non tulit tristem speciem profundi  
 Pectoris vates, fidicénque nabi*

*Doctus*

*Doctus Habrai, generosus Iesse  
Semine cretus.*

*Prodit erecta facie, speique  
Plenus inuicta, patriæque magnum  
Spiritus donat, iuuenis per omne  
Nobilis ævum.*

*Vasta sed regis simulatque strinxit  
Corpus armatura, reponit à se  
Pondus iniustum, placidòque verba hac  
Pectore fudit.*

*Magna lorica grauioris angor  
Mole, nec gressus moneo expeditos,  
Degrauat cassis caput, atque iniquus  
Ensis adurget.*

*Grande gestamentibi cedo princeps,  
Grandibus quadrans humeris, bacillus  
Hic teget suetum rudis, atque agrestis,  
Verbera funda.*

*Ad Robertum Ridinum Tudyf-  
uallensem.*

*I Am quater castam faciem propinquo  
Condidit Phoebo, siluitque, iustis  
Et quater flammis micuit relecto  
Cynthia vultu,  
Dum tuas magno studiotabellas  
Mente suspensa opperiens, inani  
Aurula ducor, taciturnus inter  
Spemque metumque.*

*Ut fera, in saltu numerosa latrat  
Quam cohors, amnis properat perennis  
Ad caput, fauces gelidæque gestit  
Mergere in vnda.*

*Parce crudeli (precor) immerentem,  
Tædio suspendere, parce amantem.*

*Tàm mora longa cruciare, iustis*

*Parce querelis.*

*Non ego extremi Tanais profundos*

*Incolo campos, vel inhospitalis*

*Caucasi, vel quos nimis æstuosa*

*Zona perurget.*

*Corde vicinum, studio propinquum,*

*Et loco me fors tulit, atque eodem*

*In solo tecum iuvenes polire*

*Iussit agresteis.*

*Turpe cum vocem ratione cassa*

*Bestia fundant, animal superna*

*Mentis ut compos careat sonora*

*Munere lingua.*

*Nec modos cessant dociles citante*

*Æra Dodones radio crepare*

*Inuicem certis numeris canora*

*Voce lebetes.*

*Crescit at multo, velut alnus, vsu*

*Quam fouet mitis Zephyrus venusta*

*Musa, scribendi facit expeditum*

*Crebrior vsus.*

*Ingeni vires acuit palastra*

*Musica, ut laesa silicis coruscans*

*Emicat vena atque mouente surgis*

*Ignis ab Euro.*

*Redde praeclusa modulos loquela:*

*Redde: quid cessas? mora qua retardat*

*Debitas nobis toties tabellas,*

*Docte magister?*

*Ad D. Pendiltonum ludi Mediolanensis  
magistrum.*

*Æ Quiùs nostras patiare doctis  
Ingeri chartas studijs, agrestes*

*Sint*

*A*

Sint licet, sint illepidæque ludi  
 Culte magister,  
 Semper adnixa grauiore pressis  
 Immori chartis, minuit vigorem  
 Mentis, obtundens, variqueres est  
 Plena pericli.

Non diu perstant requie Camena,  
 Qua carent iusta, vicibus refulgens  
 Gaudet alternis, neq, semper urget  
 Cynthius arcum.

Sumit & frontem genitor serenam  
 Per vices tristes animos remittens,  
 Tempa nec semper sonitu verendo  
 Concutit alta,

Lenta paxilli nimio coacta  
 Chorda tormento, resoluta damnat  
 Musicen, quarit sapiens leuandis  
 Gaudia curis.

Dicitur Cæsar granibus solutus  
 Imperi curis, agitasse paruas,  
 Per iocum muscas, auidoq, ludum  
 Vngue volucrem.

Cuius excelsas Solymas Iudæ  
 Nomen antiquum, instabilemq, Idumen  
 Frater expugnat, Latij decusq,  
 Delitiaq,

Clarus inuicta grauitate Censor  
 Tetricum fertur posuisse vultum,  
 Fertur & Baccho maduisse virtus  
 Prisca Catonis.

Præda non semper tenuis rapinam  
 Alitis vitat Iouis arma docti  
 Ferre, & insignem puerum quem aquosa  
 Sustulit Ida.

Fronte percurras hilari, benigni  
 Pectoris voces, facias & aqua

Et boni, externis memor ac si amicus  
Mittat ab oris.

Fronte, qua lucem reuolvens quadrigis  
Fertur exultans, tenebrasq; Phœbus  
Dissipat noctis, placidoq; terram il-  
Luminat ore.

Fronte, qua princeps sitibundus olim  
Persidis magnus, putealis haustum  
De manu agresti rapuit liquoris,  
Munus ut ingens.

Qua lares olim subit hospitales  
Rusticæ angustos Hecates, amicus,  
Et comes qui Pirithoi, bifor-  
Cacroe cretus.

Qua demum nostri generis redemptor  
Mente diuina viduae senile  
Munus aspsexit, rutiloq; Iudex  
Prætulit auro.

Non edax hæc procreat & veneni  
Fertilis linor, neq; gloria altum  
Verticem tollens, sua nec adorans,  
Sæque philantus.

Non id est nobis animi, facultas  
Tanta nec victis, humiles, humique  
Repimus tractim, tenebris pedem nec  
Mouimus unum.

Nec caballino labra nostra fonte  
Tinximus, nec Pieridum sacrata  
Fronde donatis licuit quiesse in  
Rupe bifronte.

O beatos nos, nimis o beatos  
Oscula affixis pedibus pudicis  
Ferre si detur, procul & verenda  
Ora tueri.

Me frequens rumor, penetransq; docti huius  
Nominis splendor mouet ut tabellas

Porrigam,

*Porrigam, quales potuit Minerva*

*Promere nostra.*

*Si roges forsan sibi quid procaces.*

*Quaritent Musæ, insinuare nempe*

*Dexteram dextra, pede pēsque, nexu ut*

*Hareat arcto.*

*Iam vale nostri memor, & recepta*

*Littera fac ut redeant, feracis*

*More telluris, dominumque, multo*

*Fœnore ditent.*

*Ad Io. Brechgyrdlum.*

**B***Is sex flammifera concitus orbita*

*Phœbus proripuit signa per aurea*

*Cursus, ac toties emicuit vaga*

*Accensa facie soror:*

*Nostram dum pietas perpetuò tua*

*Aurem personuit, casta quoque, pectoris*

*Docti simplicitas, & studium tetri*

*Erroris tenebras fugans.*

*Gaudebunt alij saua per aquora*

*Aduectis Arabum mercibus, insciji*

*Dum tutam fugitant pauperiem & lares*

*Securos nequeunt pati.*

*Sunt quæis unus honos arma minacia*

*Latè per populos spargere dissonos,*

*Vt sceptrum Oceanus terminet arduus,*

*Et fama inuideat polus.*

*Est cui tergeminis prodiga sanguinis*

*Hostilis titulos accumulat manus,*

*Ius & fas violans, ut pateat truci*

*Quasitum sceleri decus.*

*Non desunt populi quos fauor ambitu*

*Tractus sollicito lactat, & aurula*

*Voces ancipitis: Quique, notariæ*

*Parrecto digito petunt.*

*Te*

*Te clarum faciunt Pierides, sacri  
Phœbi casta cohors, nec poterat tuum  
Nomen liuor edax carpere, Nocte nec  
Et Somno genitus Deus.*

*Te puris Helicon spargit odoribus,  
Pymplæa & vario flore onerat comas,  
Fauces rore sacro Castalius latex  
Vena perpetua rigat.*

*Te Vatis Samij littera per latus  
Dextrum sentit iter tendere pertinax  
Astræ vitis cedere nescia,  
Cælum dum liquidum rapit.*

*Sanctum pectus habet religio & fides  
Incorrupta, pios promouet & gradus,  
Et ceu templa, colunt Gratia, candida  
Et Nympha & Veneres simul.*

*Felix ô nimium, qui dubios Dea  
Fallacis strepitus, blandaq; munera  
Calcâris pedibus fortis, & horridi  
Infernas Herebi domos.*

*Fœlix ille tuæ qui ferula manus  
Submittit teneras & tolerat pia  
Vitam militiæ, qui virides tuo  
Annos transigit in sinu.*

*Tam raras tacito rusticus an pudor  
Virtutes calamo mittet? inertia  
Indignaque regent fraude silentia?  
Lucernam an modius premet?*

*Vos, ô di, meliora: Eloquar, eloquar,  
Nec iustis patiar laudibus inclytas  
Dotes destitui, perfida ne bonum  
Lingua & dissimulet deum.*

*Quo nunquam radijs lustrat iniquius,  
Dextra qui celeres ignipedes regit,  
Ex quo currum agilem cœna Thyestæa  
Et dirum repulit nefas.*

*Non*

Non quod nostra valet promere fistula  
 Dignum quid meritis, non mihi si fiet  
 Misenus comes, aut carulei sonans  
 Mirandum lituus Dei.

Riuus fonte cadens at placido fluit  
 Authorem repetens in mare murmure,  
 Vastus nec gremium Nerens obuium,  
 Quamuis exiguo, negat.

Sic, nostra ô nitidum qui super aethera  
 Regnas, cuncta tuens, munera supplici  
 Deprompta è studio amplectere, latus &  
 Clemens plasma tuum capis.

Nec pelles olido respuit à grege  
 Sumptas Amramides, quicis tegetet sacrum  
 Arcanum, pietas nectare candido  
 Pauper thure litat Deis.

His tu consimilis, splendidius cui  
 Pectus Musa dedit, leniter & tuo  
 Ut dignum est animo, suscipies meas  
 Nugas, docte vir & probe.

Ne qui sim maneat nescius, accipe,  
 Punctonensis ager me tenet, hic rudem  
 Etatem instituens, inter aues rudis  
 Agrestes Coridus strepo.

Cunctis nempe alijs tot gradibus minor  
 Visus, quot reliquos stella diem ferens  
 Ignes exuperat, quot vel Aedone  
 In cantu est Corydus minor.

Tanto (vera loquor) pessimus omnium,  
 Quem tu non modicis laudibus obruis,  
 (Sensi) nec modicam debeo gratiam,  
 Quanto tu optimus omnium.

Hic solum niueam promeritus notam,  
 Doctos summa homines quod recolo fide,  
 In quo iure tenes ordine principem  
 Nostro iudicio locum.

*Lux optatā mihi nascere, candida  
 Lux, qua nos socijs iungis amoribus:  
 Regnabo Assyria sorte beator,  
 Spernam Mygdonias opes.  
 Exoptata dies, grata eris haud minūs  
 Quā̄m ros à superis Hermonium ruens  
 In montem, aut oleum suave quod in sacro  
 Barbam pontificis fluit.*

*Ad Io. Brechgyrdlum  
 Hymnus.*

*S* *Urge, mordaces geniale laxans  
 Nablion curas, vigilato, & omnes  
 Tende nunc nervos: Agedum, canendus  
 Christus Jēsus.  
 Præpotens rerum sator, o coruscum  
 Qui tenes cæli solium, iacenteis  
 Supprimens terras pedibus, per omne  
 Viuis & ævum.  
 Cuius occultam faciem tenebra  
 Vēstiunt, inconspicua remotus  
 Luce qui splendes, veherisq, ventis  
 Præpete penna:  
 Cuius astrorum numerosa nutu  
 Turba procedit, vigilēsque servat  
 Ordines, quēis tu imperitas, tenēsque  
 Sceptra verendus:  
 Tu deus noster, Deus es perennis,  
 Fons manens vita, unde fluit bonorum  
 Riuis, æternūque vigens beato  
 Copia cornu.  
 Fons inexhaustus bonitatis, alma  
 Lucis immensum pelagus, serena  
 Pacis adsertor, via, vita, lex &  
 Arbiter æqui.*

*S S Symon*  
Te, suum quaquà patet actus orbis  
Lumen agnoscit, generisque nostri  
Vindicem, cuius metuunt ab ira  
Cuncta creata.

Dum tua affulget bonitas, maligno  
Nil licet: sanctam pia namque proles  
Dextra signavit, licet usquefrendens  
Ilia rumpat.

Te sine, ut toto nihil est in orbe  
Dulce, sic tecum nihil est amarum:  
Tu quies, su meta, animaq; dulcis  
Portus & aura.

Pastor inuicta pietatis, agnus  
Nescius labis, maculae: mundi  
Qui nefas, seuam superasque mortem  
In cruce dira:

Te decet solum decus atque virtus,  
Gloria & laus, imperium, potestas,  
Praedicet te, concinat & tibi uni  
Supplicet orbis.

Non fiet nobis miseris, malique  
Prodigis, o summe opifex, misellis  
Non fiet nobis honor hic, tibi sit  
Proprius uni.

Nam tibi quicquid spaciofa coeli  
Templa, quod vastum mare, quodque tellus  
Continet, nolo trepidat, genūque  
Nomine curuat.

Factuum iustis celebremus omnes  
Laudibus nomen, timeamus omnes,  
Factuum vitæ ratio gerenda  
Spectet honorem.

Tu meo praesens fer opem, manūque  
Porge Brechgyrdlo, tibi ut usquē & usquē  
Floreat pectus, vigeatque sanum in  
Corpore sano.

Qui feros cura meditatur omni  
Atque acri mores cruciare lima:  
Ore Noruicum placido, erudito  
Ore reformans.

Ille septenis vicibus recocta  
Maximo incumbit studio loquela,  
Exq<sub>3</sub> ea pendens operatur omni  
Nocte dieq<sub>3</sub>.

Ille commissum fidei talentum  
Cautus exercet, geminatq<sub>3</sub> sortem,  
Ille opes torpens domini sepulchro haud  
Mandat inert.

Hunc precor serues pater o benigne,  
Qui manu summas retines habenas,  
Augeas, dites, animaq<sub>3</sub> viuat  
Pars bona nostra.

Tuq<sub>3</sub> Noruicensis ager inuentus  
Quam nutrit, doctum ex animo magistrum  
Optime de te meritum, verere, am-  
Plectere, adora.

Diua longaeua lege fila vita,  
Stamen extendens Lachesis, memorquo  
Dicito, multos teretes in annos  
Currite fusi.

Ad eundem.

**B**Retchgirdle, quo non alter amicior  
Mortale spirat, nec magè candidus,  
Te solitis fidibus saluto,  
Noruici, patriae decusq<sub>3</sub> nostra  
Brunsveldus; Olim qui tibi cognitus,  
Lusi proterua multa procax fide,  
Lesbiaca modulis puella,  
Docta dum strepui molestus auri.  
Quis nunc beatum fons rigat? inclyta  
Dyrce? Caballi an nobilis ungula,

Pieria

*Pieria celebrata turba?*  
*Parnassi an gemino recumbis antro?*  
*Zenona vultu num celebras grani?*  
*Stagyra alumnus, siue Aniti reum?*  
*Atria num Solomonis ampla?*  
*An maus colere hispidum Platona?*  
*An more Hyblae peruigil incola,*  
*Exempla doctum congeris in sinum?*  
*Historiam memor emue lustrans*  
*Annos recolis volumen orbis?*  
*Est nempè velox, est animus tibi*  
*Intensus, osor turpis inertia,*  
*Impatiensque mora, superna*  
*Adsuetus rapido ferire iactu.*  
*Tu sempor urges improbus anxium*  
*Munus magistri, Lucifer igneo*  
*Seu fugit appropinquante Phæbo,*  
*Seu Vesper solitas reducit umbras.*  
*Contractus omni dum studio fones*  
*Arteis honestas, & pede promoues,*  
*Fungeris & vice cotis, asprum*  
*Quae se comminuit terendo ferrum.*  
*Me Musa, parco dum fruor ocio,*  
*Crasso relaxat pollice, me chelys*  
*Rustica restituit labore*  
*Defessum, stragitu leuans canoro:*  
*Quali remotas Arcadia Deus*  
*Sylvas repleuit Corniger, arbitrum*  
*Fistula cum superante Phæbo*  
*Agrestis docuit sonare Tmolus.*  
*Omnis videtur iam Pylij mihi*  
*Aetas peracta, aut Dardanij senis*  
*Cui croceo exoriscens marita*  
*Aeternum peperit decus cubili.*  
*Ex quo disertas litterulas mei*  
*Vidère ocelli, quæis pretium graue*

*cl: a: b: e: d*  
*r: f*

Nam patet hèn nimiùm, relictus  
 Dum desiderio peruror acris.  
 Non sic Achivi nominis, Icaris  
 Splendor remansit, dum remeat suus  
 Arte Laertiades dolosa:  
 Texturam vidua manu resoluens.  
 Non sic sinistro sydere Phosphori  
 Oracula natus Delia dum petit,  
 Sollicito Alcyone fatigas  
 Supplex corde Deos, virum negantes.  
 Non tam frequenti voce latrantium  
 Saltus penetrat præcipiti gradu,  
 Acta, sitim cupiens prementem  
 Undanti fera temperare vino:  
 Ut nox amica conscia subdola  
 Suspensa torquet pectora amantium,  
 Ancipiti cruciata fraude  
 Equali numero latentis horæ:  
 Urgente dulces sic animo voro,  
 Sic spe tabellas, nec pudor aut modus,  
 Quin mihi displiceam, remissos,  
 Ignauosque gemens abire soles.  
 Sed quid canenti vellicat admonens  
 Brechgyrdlus aurem? numquid abest rei?  
 Pollicutine fides laborat?  
 Num prauum antetuli sciens honestos  
 Deprensus arcto, me miserum, loco,  
 Frustrà renitor: nam mihi mens memor  
 Tramite non tenui reuersa  
 Prodit, nec patitur latere fontem.  
 At te per omnes, parce, Deos precor,  
 Ignosce lapsò, dum celerem manum  
 Polliceor facilis, volentem  
 Nerui destituunt, vigorque mentem:  
 Ut membra molli victa Deo iacent  
 Defuncta motu, mens agilis viget,

Longè

Longè aciem vigilèmq̃ue tendit,  
 Sed pigrum queritur iacere truncum.  
 Nam seu promptos contrahit impetus,  
 Alisq̃ue tensas deprimit horrida,  
 Ingenijs inimica dextris,  
 Plantis supposito Penia plumbo.  
 Lasctius olim flammigeri puer  
 Auriga currus, ut dubium genus  
 Excutiat, memorandus orbi  
 Denotum Eridano dedit cadauer.  
 Et tu feroci Priamide indole,  
 Sub Marte iniquo, congregiens truci  
 Æacida moreris, crueptum  
 Inscribisq̃ue solum supinus hasta.  
 Sic sic ineptus munia dum sequor  
 Maiora nervis, nec pede metior  
 Me stolidus proprio, inhonorus  
 Fraetis ludibrio relinquer armis.  
 Ingressus extra notitiam mei  
 Sublime munus viribus impotens,  
 Vela retrò monitus reflecto,  
 Et tutum cupio subire portum.  
 Tu cui perenni fons salit exitu  
 Viuentis unda, primitias cape,  
 Vnde videre licet, sat esse  
 In magnis iuueni voluisse rebus.  
 Has tu, student dum requies datur  
 Dulcis cohorti, candidus aspice,  
 Effice deinde manus supremum  
 Vt docta capiant preces honorem.  
 Quod quo libenter perficias magis,  
 En hoc volumen materia pia  
 Comiter accipies, amici  
 Vt munus cupida terèsq̃ue dextra,  
 Sed plura prasens: iàmque aderit dies,  
 Christo dicatus, nam Genio litans,

*Et Veneri simul & Minerva  
Inuisum necuit suum colonus.  
Durusque fossor, nunc animo cuncti  
Indulget omni, tum pede libero  
Subsilit, in Saliūque morem,  
Exosam properat ferire terram.*

*Ad Io. Bellsolum.*

**N**on tam remotas flammiger impulit  
Titan quadrigas, nec leuis Antij  
Tutela tam fallax iniqua

*Inuidia premit immerentes:  
Quin eruditi nominis huc tui  
Splendor penetret, candide Bellsole,  
Pennaque prodentes latentem  
Præpete nobilitent Camæna,  
Gratæque alumno non sine fœnore  
Dulci rependant, qui sapientiam  
Exarsit immuni labore*

*A teneris meditatibus annis.  
Apparet hinc iam nobilitans fides  
Diua Sophia, pollicita suis  
Cultoribus summos honores,  
Et minimè interitura dona.  
Sic namque semen diua per inclitum  
Deprompsit olim vatis Iessai,  
Dum corda singens in labellis  
Sessitat, ore ruens profundo.  
Hoc mente vidit Pythagoras acri,  
Cantus figura pingere sectili  
Tergum laboris dulce ferre  
Grande decus, requiemque fisso.  
Præuidit almi delicia Dei,  
Sacro repletus flamine Daniel,  
Doctos resulsaros patetis  
Lumine plus oculoque mundi.*

*Doctrina*

Doctrina longè porgit in ultimas  
 Latèq; terras nomen amabile,  
 Quod non edax linor nigrabit  
 Nec volucrum series dierum.  
 Quà syrtis acri vultu Hyperionis  
 Afflicta sauit, quà Boreas fremit,  
 Quà Phœbus exurgit coruscus  
 Ad solitum properans cubile.  
 Hac astra celfo vertice transilit,  
 Hac lustrat imum Tartaron & Chaos,  
 Non vlla rerum est tam remota  
 Quin acie vigili penetret.  
 Hac, bruta tellus ceu sale plurimo  
 Conditur, ardens hac pedibus prais  
 Lucerna, ne caligo mentes  
 Occupet, aut statuat nocentes.  
 Doctrina, custos fida voluminum  
 Labentis orbis, res hominum notis  
 Illustrat, abstrusâsque pandens,  
 Vindicat à tenebrosa Lethe.  
 Huic nempe vile, nullius est preti  
 Collatus Hermus gloriâque amula  
 Pæctólus, aut fœlix Olympi  
 Conscia meta Tagus profundi.  
 Gemmaq; sordent quàmlibet incluta,  
 Sylua Sabaa, quicquid & abdit  
 Scrutator Eous metalli  
 Visceribus ruit è parentis.  
 Subsedit, orbis quicquid habet capax  
 Nutrituè Nerei marmoreum solum,  
 Ipsa & parens rerum caducas  
 Diuitias negat esse tanti.  
 Doctrina summum conciliat decus,  
 Magnes amoris, philtro & efficax,  
 Mortale coniungens beatis  
 Cœlicolis genus, ima summis.

Salve per omnem temporis orbitam  
 Laudanda diuū, salve hominum sacra  
 Interpres, elucens imago,  
 Indiciū, speculūque mentis.  
 Cuius vigenti munere Gadibus  
 Vicina constat decolor India,  
 Nilūque non certis ab oris  
 Multifluus Tanain salutat.  
 Phœbique sanis obuius Æthiops  
 Nudus sagittis, & Numides vagus  
 Agnoscit extremum Britannum,  
 Sauromaten, Rhodanique prolem.  
 Hoc tam stupendum contrahit organon  
 Genteis remotas, prodit & intimas  
 Mentis recessus, it per vrbes  
 Inter vtrumque polum iacenteis.  
 Quid multa doctis? hac ope Palladis  
 Fidum ministrum noscito Belsolum,  
 Cui Dina non parçè locuples  
 Ingenium dedit haud malignum.  
 Suscepit illud ceu generosius  
 Hyndæus aruum splendidus artifex,  
 Summæque cultura, expolitum  
 Frugiferūque suis reliquit.  
 Unde est profecta vis iuuenum acrium,  
 Florens probatis artibus, ut solent  
 Ex alueo prodire denso  
 Agmine turba laboriosa.  
 Gaudet susurro mons Siculus leni,  
 Gaudetque Hymettus murmure blandulo,  
 Feruet labor, cellaq; dulci  
 Nectare multiplices redundant.  
 Sic fertur olim clara virū manus  
 Armisque sumptis viuida, Pergamon  
 Equāsse telluri superbam,  
 Qui latuere prius doloso

Dono

Dono Minervae. Flebile Troades  
Plangunt, sed iram promouet Aeci  
Proles paternam, atque in Deorum

Templa furit, laceratque numen.  
Hac inter adstat structor Epeus doli,  
Spectans stupendi muneris exitum,  
Nec credit horrendas ab arte

Palladia emicuisse fraudes.

Sed quid Minervam sus canit hispida?

Quò Musa nervos tendere destino?

Oblitus arcta est quàm supellex,

Ingenij sterilisque vena.

Sed parce fasso, neue tuum precor

Damnato serum, quòd rude Belsolo

Munusculum texo recentis

Auspicium redeuntis anni.

Non quod venustis carminibus queam

Mulcere doctum pectus, homuncio

Illotus, vnum vel pedem vix

Raptus ab inscitia tenebris.

Sed quò benignis alloquijs bona

Certè voluntas, & pateat fides:

Figamque radices colendi

Perpetuò inq. vices amoris.

Hac meta scriptis, terminus hic fiet

Votis: Britanna qua die ELIZABETH

Gentis gubernaculum virago

Et diadema tulit verendum.

Necte ô fragrantès, ne cte age candida

Pymplaea flores, nobile quèis caput

Cingatur, aternumque casta

Duret honos decus atque frontis.

Et vos decentes huc citò Gratia,

functaq. Nymphis ter pede libero

Pulsate terram, nunc cruenti

E manibus domini redemptam.

Parete Musæ, tūque libens veni  
 Cyrrhae vates, hic Helicon erit,  
 Parnassus, hic Dyrce, volantis  
 Hic scatet unda memor caballi.  
 Adsit & Orpheus, heus aliquis Linum,  
 Comptisque Iopan crinibus euocet,  
 Nobisque sistat Demodocum  
 Maonia cythara celebrem.  
 O Diua longa, Diua potens brevis  
 Fatalis aura, quam penes est colus,  
 Clementer euoluas sequaces  
 Et placidè diuturna filos:  
 Exegit olim quos Pylus senex,  
 Cumæa Phœbas, Memnonis aut pater,  
 Alèsque, quos sese regignens,  
 Aut numerat Iouis arma portans.

Ad eundem.

**N**E mihi contingat diuos celebrare fauenteis,  
 Sed decus à scriptis sit precor omne meis:  
 Castalidūmque choro viuam proiectus ab omni,  
 Ni tua sint animo carmina grata meo,  
 Bello, ut Ennæa quod vertice funditur Hyble,  
 Quod metuens hyemis turba operosa legit.  
 Quod meritò Alcida iuuenilis porrigit Hebe,  
 Cælicolum regi Dardaniūque puer.  
 Quodque ab odorifera decerpit arundine, Phœl  
 Consciens ad superos exorientis Arabs.  
 Pauca quidem, sed pauca satis fecere, voluntas  
 In pretio est, stat mans res pretiosa nimis.  
 Sic humili fertur vasti moderator Olympi  
 Carne latens, seruo dum pede calcat humum,  
 Muneris authorem vultu spectasse sereno,  
 Prodigæ cum diuis ara dicauit anus.  
 Oblatamque sibi fugienti Persa, deorum  
 Suscipit ut munus, rex sitibundus aquam.

Suscipit

Suscipit ac rapum Francorum ductor, agrestis  
 Quod fertur grata mente tulisse Conon.  
 Nec setas refugit sancta ad velanda caprinas  
 Amramides; diuis thure litauit inops;  
 Non surgit pretium numero, sed pondere: in arctum  
 Quae bona, se claudunt, quae mala, fusa iacent.  
 Multiloquo comes est error maculosus, & aequi  
 Denia verboso plurima ab ore fluunt.  
 Pauciloqui nuda gaudent breuitate Lacones,  
 Pauca sed immensum verbuli pondus habent.  
 Quid minus Eo in speciem quam gemma? sed ampla  
 Diuitiae regnant corpore in exiguo.  
 Cernitur extremos fera nam Getula per vrques,  
 Carceribus quamuis abdita deliteat.  
 Hoc pretiosa mihi praestant tua carmina, in ipsis  
 Quod videor mentem mente videre tuam.  
 Quid dicam, immerito facilis quod splendida amoris  
 Signa iacis, dulcem & nectis amicitiam.  
 Qua nihil in toto spectat Sol gratius orbe,  
 Dum celeri immensum corripit axe polum.  
 Hic libet usq. moram trahere, hic certamine longo  
 Dextra plicet dextram, pes premat atque pedem.  
 Dent superi fausto contractum sydere foedus,  
 Ut stabile hoc nobis perpetuumque sit.  
 Non me clara fides Aegide, notus amico  
 Non animo Pylades, Euryalius comes,  
 Non sonathas sancta, Siculo non gloria gentis  
 Pythia me vincet, non Titus Italica,  
 Nec vos longae meriti praconia fama,  
 Quos Musa ad superos Parthenopea rapit.  
 At mea vota tamen, si quid mea vota valebunt,  
 Hec sunt, officiis sit modus iste meis.  
 Ne paruo è tumulo celsus ducatur Olympus,  
 Sed metire meo me pede: vine, vale.

## Thomæ Hydi Virgilius, ad Inuentorem.

**Q**ui me tollis delapsus sorte maligna,  
 Qui sis, qui fuerim, carmina pauca lege.  
 Olim iuncus eram, genuit septemflus amnis  
 Nilus, ab ignoto qui vagus orbe fluit.  
 Littore direptum patrio, conuertit in usum,  
 Artificis crebro vulnere docta manus.  
 Inde per ignotas gentes, per regna, per urbes,  
 Per mare, per terras, per loca cuncta feror,  
 Quæ premit Arcturus, quæ torret Phœbus ab austro,  
 Quæ videt exorients, quæ fugit occiduus.  
 Errantem cepit Crinitus, pressaque membra  
 Per numeros docuit ferre Maronis opus.  
 Anglia me loris constrinxit, veste decora  
 Ornauit, iustum reddidit atque librum.  
 Inde bis octonis prostantem Hydeius emit  
 Me iuuenis nummis, adseruitque sibi.  
 Audis cuius eram, pergratum dulcis amice  
 Jam facis, & sancto fungeris officio,  
 Amissum domino si cures reddere noto,  
 Hoc ius, hoc pietas, hoc Deus ipse probat.  
 Sic tua non rapiant, qui gaudent viuere rapto:  
 Sic tibi tuta quies, sic bona cuncta fluant.

Ad D. Wrenchum, Cestrensem  
 Ludimagistrum.

**P**erlegis plusquàm puerile carmen,  
 Grandior natu, pietate: recti  
 Dexter interpret studiij, serena  
 Perlege fronte.  
 Non ferus dentes acuit Theonis  
 Linor, obliquum meditantis ictum,  
 Ille nec cuius rabiosa sensit  
 Ora Lycambes.

Nec

Nec sibi fidens nimium iuuenta  
De gradu seros minitatur annos,  
Debito aut canum caput impudenter  
Pellere ponte.

Nec manus tentat malè curiosa  
Alitis lumen reparare acutum,  
Quæ data est olim comes usque flauæ  
Fida Minervæ.

Est (scio) tutum, stabile & silenti  
Præmium; Quid? perpetuæne verba  
Nocte damnentur? Taciturna lingua e-  
Vertit Amyclas.

Qui faces arcto modio malignus  
Subdit accensus, miser, inuenustus,  
Invidus, densa est meritoque pressus  
Lumina nocte.

Qui finit claras animi latere  
Landibus dotes vacuas, benignæ  
Nec vident Musæ, radijs nec illum  
Lustrat Apollo.

Montis existens operosa moles  
Vertice in summo, latitare nescit;  
Sed procul fundens decus intuentes  
Stringit ocellos.

Te pius notum studiosus atque  
Efficit candor, patitur nec unquam  
Repere obscurum, celebris deli-  
tescere in urbe.

Hoc nefas tollit decus erudita  
Mentis & splendor, gregis atque docti  
Vincit examen, prohibentque grata  
Mentis alumni.

Te sonat quisquis coluit venustas  
Litteras, dextra colit aut Minerva:  
Te vehit penna properante Musa  
Nescia solus.

Qualis

Qualis, è multis reuerendus annis  
 Lassa cui pugnis varijs inuenta  
 Eminent cervix, spatiosa solus  
     Pascua taurus  
 Possidet: nil hunc animi est iuencis  
 Aggredi, nempè innumeris verendum  
 Ictibus pectus, trepidique trunca  
     Cornua spectant.

Qualis, aut tritis Iouis arbor ani  
 Compitis longa serie virentis  
 Immemor, multo inuiolata perstat  
     Quercus honore.

Quam leues circum galea, sinistro  
 Impetu fracti gladij, cruore  
 Sparsa Gradino spolia, atque bello  
     Parta dicantur.

Non agit cursus adeò remotos  
 Natus à nostris Hyperione oris,  
 Quin tua nostras probitatis aures  
     Fama penetret.

Fama, qua non splendidior gaudet  
 Æmulus Rheni, Phrygiæ & Mæandri  
 Præpotens Anglùm fluminis Sabrina,  
     Arbiter agri,

Quà patet longè spatiosa clarum  
 Inter Vxellum & monumenta Claudij  
 Cæsaris, gens, nobilitata prisca  
     Nomine Cambri.

Fama, qua nunc iam monitrice, crassa  
 Prodit in lucem & sterilis Camæna,  
 Porrigit qualem indocilis maligni  
     Glarea ruris.

Limes excurrentis ubi montuosus  
 Cestriam Castro Ducis, atque Derben  
 Iungit Ebranco, quadruplexq; index  
     Respicit arnum.

Sis precor fœlix, tenerâsque sanctis  
 (Quod facis) menteis studijs adornes,  
 Augeas, dices, polias, diûq;  
 Viue superstes.

Ad Michaellem Clyteruallensem.

Q Vòd frequens nostrum celebrat canora  
 Buccina nomen ?aque sonus isthic,  
 Haud nouum certè facit, insolensue,  
 Docte Michael.

Nouimus quanto studio iacenteis  
 Suscitât Musas, vitijque nostris  
 Lenis indulget, male perspicaci  
 Captus amore.

Vt recens natus validi cothurnos  
 Gestet Alcida, ex humilique mure  
 (Si placet diuis) elephas in orbem  
 Prodeat ?ndus.

Scilicet laudes tribuit benigno  
 Ore facundus iuuenis, sed aqni  
 Deuius, paruo è tumultoque vastum  
 Ducit Olympum.

At pati se vim taciturna clamat  
 Ora mens multo assidue rubore  
 Tincta, praconem pariterque damnat  
 Conscia culpam.

Et meo semper pede me seuera  
 Musa metiri docet, inque nidum  
 Cogit angustum renouare pennas  
 Curta Penia.

Ista paucorum, propria ista laus est,  
 Nempè doctorum, locuplete diuûm  
 Quos penna pascit genitor, beâtq;  
 Diuite cornu.

Nos, rudes, indocti, opici, inuenusti,  
 Caudices, trunci, scioli, prophani,

E

Dedecna

*Dedecus castæ opprobriûmque Musa,  
Grammaticastri.*

*Sume tu totum decus hoc Michael  
Artibus partum eximijs; decentes  
Gratia donant, chorus & sororum  
Suave canentum:*

*Ut tibi vultus hedera sequaces  
Candidos cingant, schola quem sacrauit  
Agnitum flauæ penitus Minervæ,  
Non sine plausu.*

*Vidimus dulces nimis ô libenter  
Obuijs raptas manibus Camœnas,  
In quibus nostra studiosa laudis  
Cura refulsit.*

*Insuper doctæ veneranda turba  
Gloria apparet, studiûmque nostri,  
Quando vos mensa simul hospitali  
Pauit Atherton.*

*Quo nihil maius poterit videre  
Nostra paupertas, simile aut secundum,  
Quandiu mens hac vegetabit agri  
Corporis artus.*

*Sordet immenso memoratus orbi  
Ros Amyclæus, Siculûmque necëtar,  
Et nemus fragrans Arabum, lapisque  
Sordet Eous.*

*Sordet & Lyda pretiosa gentis  
Vnda, fuluentes voluens arenas,  
Et Tagus Phœbi aspiciens cubile,  
Sordet & Hermus.*

*O ter & fœlix quater ille, quisquis  
Liberè nitens pede, tam colendo  
Assidet cœtu, sociâque complet  
Tetrada sorte.*

*Hic honor nobis inopina mouit  
Gandia, ut pulsus rapidi furore*

*Africi,*

*Africi, gaudet patrium subire  
Nauita portum.*

*Cuius ut fauces diuturna torset  
Siccitas gratum genius lenamen  
Dexter obtrudat, laticem rapaci  
Deuorat haustu.*

*Non magis lato Capharæa vultu  
Vindicem præter fugiente velo  
Vidit Argos, distulerat decem quos  
Hæctor in annos.*

*Mater aut natum reducem, cruentus  
Quem domum misit Trasumenus, arcem  
Cum ferus mundi petijt tremenda  
Hannibal ira.*

*Nec minor causa hæc, quis enim valente  
Mente, non illo cupiat probari  
Ore, quod nota probitate punctum  
Pertulit omnem?*

*Tu sane absenti, precor, ô Michael,  
Cura quem carpens onerosa ludi  
Angit æternum, requiemque donat  
Anxia nullam.*

*Non abest cordis studium sequacis,  
Non abest mens officiosa, promptus  
Spiritus perstat, cupiensque vestri  
Semper honoris.*

*Hætenus pingui cecini Thalia,  
Dum rudes formo pueros, manusque  
Subditas tristi ferule, modesto  
Verbere pulso.*

*Non in hoc, Janum ut videant bifrontem,  
Neue Vertumnum, prohibente Sappho:  
Quæ Deus mensa, Dea nec prætauit  
Digna cubili.*

## Canticum virginis Deiparae.

**G**liscit insigneis resonare summi  
 Numinis laudes animus, serena  
 Luce perfusus, domino & triumphat  
 Latus Jesu.

Namque me summo veniens Olympo  
 Sortis extrema famulam benignè  
 Respicit, tanto statuitq; dignam  
 Ducere honore,

Quantus haud ulli muliebris unquam  
 Contigit sexus: vocor en beata,  
 Et nimis fœlix, vocor & per omne  
 Nobilis auum.

Magna, qua totus memorabit orbis,  
 Magna, qui solus potuit, peregit:  
 Cuius extollunt spatiosa sanctum  
 Sacula nomen.

Ille inexhausta pietate, amoris  
 Pertinax, gentes refouet, perenni  
 Temporum lapsu, coluere quotquot  
 Iussa verenda.

Hoc facit Ioua, facit hoc stupendi  
 Roboris Ioua digitus, tumentes  
 In caput frangens proprium superbi  
 Pectoris astus.

Deicit saui solium Tyranni  
 Vertice erecto ferientis astra:  
 Suscitatur clarum ex humilique vulgi  
 Fæce Monarcham.

De penu pascens locuplete, dira  
 Quem fames morsu tenuauit acri:  
 Diuitem cassis manibus remittens  
 Ludit hiantem.

Fronte suscepit puerum paterna  
 Israel, imis rapiens medullis,

Et

Et sui clemens meminit: fidemque  
 Liberat, ecce,  
 Quam dedit sanctis proavis, & heros  
 Quam graui fissus senio, fidelis  
 Agminis princeps, auda vorauit  
 Credulus aure,  
 Abraham princeps generosus, hora  
 Consciis lata, facis & serena,  
 Qua procūl seros maneant ab alto  
 Fata nepotes.

Ad Io. Halsalum.

**N**E me fortè putes vilem censere senectam,  
 Halsale, sis nostri conscius officij.  
 Magna fuit semper capitis reuerentia cani:  
 Cuique fuit princeps ordine quoque locus.  
 Quod sanxere grauis clarissima scripta Lycurgi,  
 Quod Moses summi pandit ab ore Dei.  
 Regius & psalter instinctu flaminis almo,  
 Erudiens iuuenes talia verba refert.  
 Qui quæris Sophiam, grandænum consule patrem,  
 Quosque usus docuit multa diēsque, senes.  
 Sacrorum reputa tecum monumenta priorum,  
 Et vigili priscos discute mente gradus.  
 Aeternumque tulit proles decus illa Diones,  
 Grandæni vexit qui pia membra patris.  
 Quatenus aſt honor hic debet prodire, notandum;  
 Ne cæcus dux sit cæco, & uterque ruat.  
 Nam quoniam falluntque senes, falluntur & ipsi,  
 Nempè hominum sôboles, puluis & umbra fugax;  
 Cautius est tribuenda fides, nec tempore in omni  
 Iurandum in cani tetrica verba viri.  
 Namque omnem in carnem mittendum sanctus Ioël  
 Pneuma sacrum celsa vidit ab arce poli.  
 Unde atas rapido ceu gurgite pulsa prophetes  
 Iunior in populis, & memoranda canat.

*Hac lux illa, dedit domini quam dextra, stupendo  
 Quae fulgore micans, lumina nostra ferit.  
 Qua mira & nostris proavis incognita ephæbos  
 Maturi videas fundere verba senis.  
 Amplior & vastum quò gloria compleat orbem,  
 A tenero immensi laus fluit ore Dei.  
 Tristis at ille senex, compti persona Terenti,  
 Deuius est, dum se cuncta videre putat.  
 Difficile est tumido errorem pulmone reuelli,  
 Cui longo callus tempore adhaesit iners:  
 Spartanumue canem tremulo consuescere loro,  
 Cui gelidus pigro in corpore sanguis hebet.*

*Ad quendam.*

*D*ij meliora, procul furor & tam barbarus absit,  
 Inuideam ut scriptis, insidicrue tuis.  
 Doctricana aspirant cui Musa, sepia & omnis  
 Succus huic tetra, luor & omnis abest.  
 Inuidus excelsum spectat magis atque potentem,  
 Nullus in abiectis est locus inuidiae.  
 Nil video, inuidiam quod nutriat, est procul omnis  
 (Da veniam vero) Gratia, Musa, Venus.  
 Est tamen, est aliquid pergratum, prompta voluntas  
 Scilicet, in scriptis sedulitasque tuis.  
 Omnia non cernit Bernardus, fallitur omnis  
 Et puer & iuuenis, fœmina, virque, senex.  
 Quisquis enim à curuo callet discernere rectum,  
 Ille senex: puer est, qui puerile sapit.  
 Charus erit Socrates, charus Plato: vera fateri  
 Sed liceat, magis est chara Aletheia mihi.  
 Hac vino, regi, mulieri, denique mundo  
 Præstat, ut adfirmat Salathiele satus.  
 Hic scopus est fixus, meta hac, quam tendit in unam  
 Cura hominum solers, peruigil atque labor.  
 Qui fugit hanc, riger est, Musaque alienus ab omni;  
 Qui pctit hanc unam, candidus ille nitet.

*Felix*

*Fœlix qui scopulum velo fugiente, retrorsum  
Fleclitur, erratum noscit atque suum.  
Omnis ut in verum conatus desinat, in quo  
Terminus hic scriptis, & modus esto. Vale.*

*In Theophrastum.*

*D*iceris, heu, fato iam iam cessurus acerbo,  
Cecropidum præstans ô Theophraste decus,  
Angusto humana questus de limite vita,  
Quodq; nimis celerem mors rapit atra gradum.  
Cum spaciola tamen Phœbeum sacula coruum,  
Alipidem & ceruum tempora longa manent.  
Pone modum inuidia, non est Natura nouerca,  
Nam benè qui vixit, vixit & ille diu.

*Ante cibum sumendum  
precatio.*

*I*n te coniungunt oculos animalia cuncta,  
Expectantque tuas Conditor alme manus.  
Tunc illis pleno largiris copia cornu  
Ut fluat, & que penu das locuplete cibos.  
Et pandens dextram summa bonitate patentem,  
Munere præ largo condita quæque beas.  
Da pater ut nostra præsit tua gratia mensa,  
Et benedic donis rex opulente tuis.

*A cibo sumpto.*

*O* Deus à tenero qui nos huc prouehis ungui,  
Quique animæ cuius iusta alimenta creas,  
Missilia effundens spaciolum grata per orbem;  
Sit tibi laus & honor, gloria, sitq; decus.  
Tu nos sancte pater, tranquilla luce serena:  
Latitiæque alacri pectora nostra reple.  
Fortius ut modico satiati corpora pastu,  
Tendamus dites in pietate gradus.

*In*

In ciuilem Mancestrensis ecclesie  
discordiam 1560.

**Q**uò, quò uesana properatis mente uerendi  
 Sacricola? quò vos ira prophana rapit?  
 Quidue petunt prompta fraterna in viscera dextra?  
 Ciuilis quònam tenditur iste furor?  
 Aspectusque truces, & uerba minantia uerbis?  
 Cum pede pes pugnans, cum capite atque caput?  
 Cur tunicam è puro mater quam nenerat auro  
 Rumpitis, & summi mystica texta Dei?  
 At non villosus secum sic dissidet uersus,  
 Hircana haud ineunt praelia tanta tygres.  
 Marmaricos iungit concordia fida leones,  
 Monoceros sociam monocerota fouet.  
 Sacrilegus nunquam desistet Christon fudas  
 Immeritum, & sanctam prodere uelle fidem?  
 En erit illa dies, Pluti cum dira libido  
 Desinet? en unquam uenerit illa dies?  
 Ue tibi, ue, nunquam satiate Philargyre, factis  
 Insidiate pijs ue tibi liuor edax:  
 Ue tibi dire Typhon, non concessure priori:  
 Ue tibi lucis inops ambitioque furens.  
 Unde tremenda deum laduntur numina, sanctum  
 Et macula (infandum) nigrat inusta logon.  
 Plurimus hinc auido dulces qui pectore uoces  
 Duxerat, à docti pensilis ore uiri,  
 Qui dictata sui prona hauserat aure magistri,  
 Mente labat, gressus & genua egra trahit.  
 Quod non septeno bis gurgite Nilus & Ister  
 Eluat, & facinus uictima nulla piet.  
 Hoc, hoc est Latius magna mercede tyrannus  
 Inuentum, mendax quòdque cathedra uelit.  
 Latius & obliquo spectet quod lumine fallax,  
 Rideat & tacito pseudopropheta sinu.

At

*At laniata sinus, canos laniata capillos*  
*(Auditis?) Pietas religiosa gemit:*  
*Parcite, conclamans, materna in pectora ferrum,*  
*Parcite crudeles stringere vulnificum.*  
*Nam furibunda petit socium dum dextra cruorem,*  
*Impius, heu, lacerat viscera mucro mea.*  
*Nec certate odiys, precor, ô precor, ira quiescat,*  
*Fraterna coeant in pia iura manus.*  
*Ut Christi unanimi splendeat gloria voce,*  
*Fortius & Verbi buccina lata sonet.*

In laudem diuæ Aletheiæ.

*D**Vm petit grato recubans cubili*  
*Persicus quondam requiem Tyrannus,*  
*Et sopor Baccho vuisero irrigatos*  
*Occupat artus:*  
*Excubans fertur granium satelles*  
*Arbiter rerum tenuisse menteis*  
*Principum arrectas, posita sub aquo*  
*Iudice lite.*  
*Rebus è cunctis hominum quid esset*  
*Maximè præstans validumque, vireis*  
*Quid sibi summas meritò per omnem*  
*Vindicet orbem.*  
*Primus & regi nimium potentem*  
*Detulit laurum, propriamque palmam,*  
*Cuius à nutu tremefacta vulgi*  
*Pectora pendent.*  
*Bacchico palmam latici secandus*  
*Calculus plena tribuisse voce*  
*Dicitur, nec vis mulieris ampla*  
*Laude carebat.*  
*Non tulit præstans animi, supremo*  
*Detrahi Numen folio, profundos*  
*Proferens sensus, generosa proles*  
*Salathielis:*

*Maximum est, inquit, decus, estque Veri  
 Prepotens virtus, veneranda semper  
 Dignitas, Veri facies stupenda, ac  
 Nescia vinci.*

*Vastus est terra & sinuosus orbis,  
 Ambitus cœli, maris & profundi:  
 Sol celer cursu, rapidoque cuncta  
 Lumine lustrans.*

*Nil tamen totus videt orbis, una  
 Veritas quod non superet, stupendis  
 Deserat post se spatijs, & imo  
 Sub pede calces.*

*Vertice hac celsum generoso Olympum  
 Transiens, magno penitus Tonanti  
 Assidet, nudata humeros, nitentis  
 Nuda capillos.*

*Hinc pijs almos animis superna  
 Lucis immittit radios, tenebras  
 Dissipans spissas, procul inde ut omnis  
 Exulet error.*

*Interim foeta peregrina terra,  
 Tempori sese manifesta pandit,  
 Tempori rursus latitat, fugaci  
 Tempore creta.*

*Hanc Plato frustra numerosus acri  
 Mente vestigans, Anytiresque,  
 Porticus & qui tenebrosa primus  
 Dogmata fudit:*

*Quique cognomen celebre ambulando  
 Traxit, & latus Genio ministram  
 Qui dedit linguam, Cynicūque turba  
 Morosorum,*

*Excidit: saltus pulicis rotundi  
 Dum stupet, summum penetransque Olympum,  
 Captat & deas, agileisque captat  
 Entelecheias.*

*Qui*

*Qui sui vanis nimium tuebant  
Ingeni nervis, fragilique testa,  
Hos Deus spreuit, nitidaque cœli  
Risit ab arce.*

*His que diuina reſerata voce eſt  
Veritas, qui nil ſapere, quorum  
Et rudem nulla expolijt Scholarum  
Pagina mentem.*

*Tempori, caſum miſerata noſtrum  
E ſinu labens Deitatis alma,  
Venit in mundum, ſubiitque vilem  
Carnis amictum:*

*Se viam nobis ſtatuens patentem,  
Cuius in Verbo intemerata fulget  
Veritas, neue eſt aliunde Veri  
Forma petenda.*

*Solus immunis macula & ſerena  
Veritas Chriſtus, ſapientiaq;  
Doct̃or aterna, ſapiens, ἀληθής,  
Et φιλαλήθης*

*Quisquis hanc ultro fugitat, prophanas  
Semitas vrgens, Stygia peribit  
Nocte deprenſus, cariturus omni  
Munere lucis.*

*Hanc ſtudent unam celebrare ſancti  
Cœlites, laude haud metnente finem,  
Veritas una eſt ſcopus, atq; Gades  
Mentis honeſta.*

*Quisquis Arctois riget à pruinis,  
Suetus in laxis equitare campis,  
Qui viam ſentit nimis aſtuofam  
Solis iniqui:*

*Quem nouis ſpectat radijs, quadrigis  
Regna colluſtrans Nabathæa claris,  
Ad ſuum Phœbus properans, premente  
Nocte cubile.*

*Vnum habet totis opus hac medullis  
Perfrui, & latos satiare vultus,  
Hoc opus cunctos, labor hic fatigat.  
Nocte diéque.*

*Diva fucatis inimica linguis,  
Quam Fides albo cooperta panno  
Mente sectatur stabili, simulque As-  
traa virago:*

*Pelle larnata male sana gentis  
Dogmata, instinctus imitata diuûm,  
Pellito anfractus dubios, dolosos  
Pelle Meandros:*

*Pelle fallaces animi tenebras,  
Longa quas vexit series, iniqui  
Temporis lapsu, insidias Latini  
Pelle colubri.*

*Ut tuus longè pateâtque latè  
Splendor in terris speciosus, utq;  
In tuo sanctum videamus omnes  
Lumine lumen.*

### Historiæ, Poeticæque laus.

*P*Elida tumulum veneratus dicitur olim  
Regnator populi maximus Emathij.  
Onimium fœlix, heros forrissime, clamans,  
Viuenti cui tam fidus amicus erat:  
Cuius item maneis Smyrnæi buccina Cygni  
Concelebrat, superos euehit adq; deos.  
Illius acta lyra resonant illustra cantu  
Meonia, & celsis amula fama polis.  
Ast hic qui solio Persen detrusit ab alto,  
Inuictusque duces fregit Achæmenios:  
Qui tulit Eoas victricia signa per vrbes  
Regnâque fulmineo per Nabathæa gradu,  
Quem vexit rapidis præpes victoria pennis,  
Fortuna summum sustulit inque gradum.

*Quiquo*

Quique animo ingenti totum conceperat orbem,  
 Pulsaratque minax Solis utranque domum:  
 Praconem nulla potuit mercede canendis  
 Conformem factis, nec reperire parem.  
 Fœlicis numeros sortis compleuerat omneis,  
 Musica si Marti gloria iuncta foret.  
 Inuida sed votis Rhamnusia restitit, vlla  
 Ne res ex omni parte beata foret.  
 Unus erat placido quem nunquam lumine natum  
 Calliope vidit, Charilus unus erat.  
 Hic voluit fidibus committere viribus impar  
 Acta Ducis, rerum est pondere fracta chelys;  
 Stridula disperdens iratis carmina Musis,  
 Splendida & ingenij crimine facta premens.  
 Sed plagosa malum manserunt pramia vatem,  
 Iustæque pro meritis damna Poeta tulit.  
 Quisquis enim tentat, faueant ni numine leto  
 Aonides, forti promere digna viro:  
 Gratia ni Musis adsit, geminaque sorores,  
 Ni premat hunc toto pectore blanda Venus:  
 Syncerum demens vas incrustare laborat,  
 Et nebulam stellis spargere candidulis.  
 Corporis, hoc metuens, formam dux inclytus una  
 Iussit Apellæ pingier arte manus:  
 Ereus ut summa prostaret ab arte Lysippi:  
 Vnius è leui marmore Praxitelis.  
 Optauitque magis Thersita nomen Homeri,  
 Quam lyra Achilleum Cherili habere decus.  
 Nam malè picta nigrant præclarè facta, canora  
 Mellifluo è contra carmine Musa beat.  
 Illius hoc opus est, in apricum mittere, viua  
 Resque hominum gestas concelebrare tuba.  
 Illius, occidua senium depellere fama,  
 Aq, patri fastos asserere interitu.  
 Non Babiloniaco pomeria pendula cælo,  
 Plusq, minax murus quàm mulieris opus,

*Non Halicarnassi moles memorabilis, altum  
 Quam tulit in cœlum prodigiosus amor:  
 Gloria non Ephesi Polymasta templa Diana,  
 Non structa è dextris cornibus ara Dei,  
 Non miranda Rhodo vasti sculptura Colossi,  
 Phidiaca exemplum nobile & artis ebur,  
 Nec quæis se iactat timidi leuis accola Nili  
 Pyramides, veterum signa stupenda ducum,  
 Ornatum adyiciunt tantum, nec tempore tanto  
 Illustrant clarum nobilitantque virum,  
 Quantum Diua potens numeris, & cantor Apollo,  
 Chordula dulce sonans Pierique modi.  
 Sed magnum laudare virum res plena periculi est,  
 Invidiaq, patens, & speciosa nimis.  
 Nam quæ pulchra, eadem in summo Natura locauit,  
 Non cuius parent tecta Ephyra arati.  
 Cygnaam paucis datur effudisse querelam,  
 Carmen non quiuus exequiale canit.  
 Funerei hac cantus, hac lex epigrammatis esto,  
 Quæ gemma, Assyrii littoris indigena:  
 Nimirum ut niteat, dentem & contemnat acutum,  
 Et pretium in paruo corpore grande ferat.*

*Ad Iacob. Batsonem, mollem nimis & effœ-  
 minatum Epitaphographum.*

*B* *Atsone, quid Tragico deplangis funera luctu,  
 Fortia? quid fortem tam muliebri gemis?  
 Pectora quid tundis? Capitis quid rumpis honores?  
 Quid facis excelsis inuidiamque deis?  
 Masculaque ad molleis inuitas lumina fletus,  
 Ut se dediscant sollicitasque viros;  
 Prestantes virtute viros, animoque, locoque,  
 Et rigida functos munere militia;  
 Hos ne viros audes absurdo obtundere cantu?  
 Mirum ni pudeat te pigeatque tui.*

*Hoc*

Hoc verè grauium docuit non turba Sophorum,  
 Nec series longa textilis historia.  
 Non deus, aut ratio, natura, aut viuida virtus,  
 Non mens occulta conscia letitia:  
 Cedere magnanimùm neque nescia corda Laconum,  
 Erecta aut veterum gloria Romulidùm.  
 Res humilis nimium & generosa indigna Lacana,  
 Sic modò defuncti plangere busta viri.  
 Rectius ille senex Rhudiarum insignis alumnus,  
 Sic funus querulis vindicat à lachrimis:  
 Nemo meum fletu studeat perfundere bustum,  
 Nam vino ac volito docta per ora virum.  
 Quid Latius fidicen, Venuſina gloria gentis,  
 Non vno sat habens te monuisse loco?  
 Nonne superuacuos tumuli condemnat honores,  
 Et decus extrema spernit inane pyra?  
 Illustris Grylli quid proles, lumen & urbis  
 Mopsopia? Quid nos Attica Musa docet?  
 Audito nati generoso funere, vix est  
 Dignatus capitis deposuisse decus.  
 Jamque agè, quid præstans fidei de pectore Paulus  
 Fulmineo, quid iam pagina sacra sonat?  
 Christigenam ne quis terreno carcere tandem  
 Exutum, lachrimis lugeat immodicis,  
 Sicut habens mentem densa in caliginemersam,  
 Expertèmq; spei, turba prophana facit.  
 Non sic alma Fides, fragilem nam corporis usum  
 Odit & infracta sydera mente ferit.  
 Dissoluiq; cupit, dulci & conuinere Christo,  
 Quicquid mundus amat, stercoris instar habens.

In obitum Edmundi Traffordi, Equitis  
 splendidissimi.

O Nunquam moriture heros, cur mortuus esse  
 Diceris, hic potius viuere, dico mori.

Vinis,

*Viuis, in aeternum viuis, Trafforde, nec istam  
 Quae rapiat vitam luxerit vlla dies.  
 Viuenti in Christo mors non damnosa, sed amplius  
 Caelestem in requiem transitus inde patet.  
 Cultoremque suum placida sub pace repositum  
 Se penes inuicti dextra Tonantis habet.  
 Illinc te mortis vis extorquere tremenda,  
 Nec poterit Stygii nigra caterua Iouis.  
 Occidis adiustum decursu tempore filum,  
 Occidis & multa conspicuus sobole :  
 Pace, domique potens, bello metuendus & armis,  
 Nobilis, & clara septus amicitia.  
 Te mitem vidit Mancestria lata patronum,  
 Teque magistratum sensit iniqua manus.  
 Denique dilectus cunctis, cunctisque verendus,  
 Fortuna & cunctis dotibus auctus obis.  
 Patria vermiferos cineres suscepit & ossa,  
 Ac placide in placido clausit amata sinu.  
 Spiritus ast victor flammantia moenia caeli  
 Transilit, & superis gaudet adesse choris.  
 Unde humile terras, vana & ludibria mundi,  
 Fallaces foelix ridet & orbis opes.  
 Lucēque perfruitur clara genisque per auum  
 Aethereis, laudans te sine fine Deus.*

*De sacrae Scripturae praecellentia.*

*Fidus cum strueret tentoria sacra minister  
 Praescripto inuigilans Numinis Amramides,  
 Amramides quo nil vidit Sol pulchrius ore,  
 Quo nihil in toto mitius orbe fuit:  
 Praescia distinxit triplicem Sapientia sedem,  
 Et loca trina suis condidit officiis.  
 Extremumque vago iussit seruire popello,  
 Et patulum voluit vulgus habere locum :  
 Vnde suum tremulo veneretur murmure Iouam,  
 Expectetque sui verba sacra Dei.*

*Qui*

Ast medium sacra iussit parere cohorti,  
 Inq<sup>3</sup> sacerdotum sorte manere locum:  
 Ut studeant vigiles operosa adsistere mensæ,  
 Atque Deum precibus conciliare pijs.  
 Hisq<sup>3</sup> datum est querula praecepta minantia plebi,  
 Et tabulas docta pandere voce graueis.  
 Tertius est strepitu, visuque remotus ab omni,  
 Tutus, & angusta religione sacer.  
 Fama volat patrios gaudere hac sede penates,  
 Hac sede aeterni fœderis arca fuit.  
 Vnicus hac casto penetrauit lumina summus  
 Antistes, sed non absq<sup>3</sup> cruore, gradu.  
 Arcanas tacito cui fas vidisse figuras,  
 Annuaque abstruso sacra referre Deo.  
 Alme Deus, quid scena triplex, quid machina monstrat?  
 Insolitum quid nos mystica imago docet?  
 An mihi sub crasso designat cortice, quondam  
 Venturum lato sydere pontificem?  
 Qui proprio lustret periturum sanguine mundum,  
 Placet & iratum victima iusta patrem?  
 Quiq<sup>3</sup> ignota prius reseret mysteria vates,  
 Et radijs noctem dissipet aethereis?  
 Aurea lux aderat labentibus obuia seclis,  
 Obuia peccatis aurea lux aderat:  
 Cum tremuit subito perculsus lumine mundus,  
 Fulsit & è summo gloria magna polo.  
 Emisitq<sup>3</sup> sacras diuina potentia voces,  
 Quas duro exceptas fata adamante notant.  
 Filius ecce venit, Judæa gloria gentis,  
 Vita, salus mundi, filius ecce venit.  
 En mihi dilectum penitus, parete docenti,  
 Delicias animæ dimidiūq<sup>3</sup> meæ:  
 Hunc quisquis sequitur doctorem, æuia veri  
 Nox fugit, & vitæ semita clara regit.  
 Occidet hoc mundi sapientia vana loquente,  
 Occidet & tumidi gloria Morosophi.

Conteret hic colubri sinuosa volumina prisci,  
 Sub pedibus dirum conteret atque caput.  
 Sicut equos vrgens Hyperione natus anhelos,  
 Cum primam rutilo tollit ab axe facem;  
 Nox fugit, & niri da disiectas luce tenebras  
 Mirantes oculos pascit amica dies:  
 Lubrica sic caci prosternet dogmata mundi,  
 Diuino omnipotens qui fluit ore logos:  
 Plasmantis vitream sic frangit dextera testam,  
 Ferrea quam facili verbere virga peremit.  
 Conticeant tripodes, Phœbi & cortina canori,  
 Damonis & quicquid subdola verba sonant.  
 Abscondat camuram Garamantum gloria frontem,  
 Mentiri metuat quercus amica Ioui.  
 A facie tanti doctorum turba magistri,  
 Labra premat, tacitum præstet & Harpocratem.  
 Nec te peniteat Paulum auscultare monentem,  
 Cacropi, duntaxat nomine spermologum.  
 Hec noua nec pigeat doctum didicisse Platonem,  
 Ignorūmque Deum discat Aristoteles.  
 Ventriloqui sileant vates, ranaq, loquaces,  
 Nugaces tandem conticeantq, schola:  
 Delirans taceat stolido cum carmine Bardus,  
 Tūque animæ Druidum prodiga turba sile;  
 Emergens terra, sileat doctrina Tagetis,  
 Ecce venit cælo certa propheta canens.  
 Insignem taceat venerando vertice Flamen  
 Attollens apicem & grande supercilium.  
 Tum fibris inhians sileat, non prouidus augur,  
 Fumida nec pecudis consulat exta miser.  
 Tu quoque docta fouens mendacia, barbara Memphi,  
 Vt tandem sapias, proijce monstra Deūm.  
 Proijce quos Satana solertia nigra maligni  
 Inuexit, libros proijce falsiloquos.  
 Quiq, stupes bibulo Phœbeam in puluere mensam,  
 Doctaque Tantaleus cui lauat ora latex,

Qui

Qui tibi turpe putas reditura parcere vita,  
 Inyctis & tremulis frigida membra rogis.  
 Vanescatq; procul Babylonius incola, veri  
 Dum numerat stellas, nescia corda gerens.  
 Stulte quid exploras summi secreta Tonantis,  
 Pectora nec sanctis excolis officijs?  
 Corruit alta petens, Sapientia stulta, potentis;  
 A facie veri precipitata cadit.  
 Corruit & magica deceptor Persidis arte  
 Nobilis, & vano nobilis ingenio.  
 Nam cui Christus abest, densa in caligine mortis  
 Is sedet, huic oculos nox premit atra graueis.  
 Quantumuis Sophia videatur munere clarus,  
 Si sacro hunc Christus Pneumate destituat:  
 Nititur incassum, reuolubile tollere saxum:  
 Errat & amisso mens studiosa scopo.  
 Deserit hunc quisquis, procul hinc, procul ille facessat,  
 Eis ne exas, miseris sit miser atque modis.  
 Bisaltas ultra fugiat, nec Phœbus amicis  
 Tam caput infandum prospiciat radijs.  
 Ne maculosa pecus vicinum lingua venenet,  
 Neu vitiet serpens latius aura gregem.  
 Vnica lax animi Christus, vitæq; magister  
 Vnicus, excelsi missus ab arce poli.  
 Hunc qui non tenuit, vana deliria mentis  
 Cogitat, atque agro somnia corde fouet.  
 At capit ingentem Pelleus corde Tyrannus,  
 Non veritus scriptis prodere, letitiam;  
 Quod tam felici genuisset pignora seculo,  
 Queis praeceptorem sciret Aristotelem.  
 Quid tamen è docta contraxit voce magistri?  
 Qualis & è ludo prodijt omniscio?  
 Felix prado orbis, iusti contemptor & equi,  
 Ambitione tumens, ingenioque ferox.  
 Ingratus multis, non exorabilis ulli,  
 Sautia indulgens, amulus atque Deum.

Non doctrina sagax, facundâque lingua magistri,  
 Molluit mores, nec dedit esse probos.  
 Nam frustra assiduo defauit verbere doctor,  
 Incassumque manus exhibet artifices;  
 Ni fera corda domans ex alto sanctus Olympo  
 Spiritus humanum finxerit ingenium.  
 Lex angusta animum mutat, flectitque Tonantis;  
 Ut canis ad cytharam dine propheta tuam.  
 Spiritus est qui vera docet, qui vera fateri  
 Nos facit, & mores corrigit indocileis.  
 Et veluti blando Zephyrus ni flamine terras  
 Verberet, & lati murmuris aura sonet:  
 Dulcia non fundit moriturus carmina cycnus,  
 Nec studet argutos ore cingere modos:  
 Sic Christus placido lustret ni lumine menteis,  
 Fallimur, atque labos irritus omnis erit.  
 Spiritus alme sacro penetras qui flamine mundum,  
 Spiritus, o verifons & origo boni,  
 Quem penes est unum docta facundia lingua,  
 Pectoris & grati qui pia pleetra mones:  
 Adsis o paraclete, animisque illabere nostris,  
 Diuinam & studiis porridge mitis opem.  
 Ut tandem veri facies veneranda, salutis  
 Et vite, è sacro codice monstret iter.

Ad Ia. Guysum.

Omnes, si qua fides Horatiana  
 Debetur cythara, peculiari  
 Cantores vitio leues laborant,  
 Ut nunquam instituunt subindè iussi,  
 Decantare animum: suâsq, amicis  
 Immenso pretio indicent Camœnas:  
 Iniussiq, modum sciant nec vllum,  
 Nec finem dare Nania strepenti,  
 Et neruis requiem, negant misellis,  
 Hos inter meritò meas licebit

Musas

*Musas pertenuēs & inuenuſtas  
Doctus connumeres catiſque Gryſe.  
Sed poſtquam rudibus recēſ puellis  
Pinguī texuimus rudiq; filo,  
Nugas, ſi tamen eſt amor videre,  
Dignas non ſatis arbitror Catone,  
Nec limam benè Perſy ferenteis;  
His donec meliora parturimus,  
Luſtrans lumine ineptias amico,  
Æqui fac ſtudio bonique noſtrum.*

*De veræ amicitiae examine.*

**V***T fuluum indicio voracis ignis  
Fornace in rapida probatur aurum:  
Sic cum perfida proterit iacenteis  
Horrenda Nemesis ruens procella,  
Apparet liquidò, micāſque tandem  
Clareſcit ſtabilis fides amici.  
Ad res plurimus aduolat ſecundas,  
Fortuna leuis aſſecta affluentis;  
Sed triſtem Pylades, premente fato,  
Solatur comes infrequens Oreſten.*

*De fabulis legendis.*

**Æ***Sopi, externo tantum de cortice ſiquis  
Æſtinet, eſt pluſquam puerilis fabula; verum  
Si excutias vigili penitus ſub lumine, cernes  
Ingenuum authoris ſolers, ſenſumque profundum,  
Largitèr unde beet Sapientia Diua legentem.  
Ecquid enim (nobis ne longè exempla petantur)  
Prima docet? Circum & circa dum ſcalpurit, ecce,  
Immundo gallum reperiffe in ſtercore gemmam.  
Et quia neſciuit pretium, neſciuit ut uſum,  
Vno ordeī grano poſt hanc habuiſſe repertam.  
Pluris apud ſtultas nugacia gaudia menteis*

*Quàm Sophiam & diuûm cœlestia munera pendi.  
 Vnde homini fallax & tam præpostera cura?  
 Nempe fugit pulchra pretium Virtutis, & alma  
 Mentis opes, prouum in terras, seruilêque ventris  
 Mancipium, officij facies cui sordet honesti,  
 Compositiq; animi splendor: qui mole caduci  
 Corporis est tanto potior, spatiosa iacenteis  
 Exuperant quanto cœli curuamina terras.  
 Nec Sophia studijs capitalior ingruit hostis,  
 Quàm rudis & crassi tenebrosa proteruia cordis.  
 Iccircò sacris vindex sanctissimus orbis  
 Eloquijs vetuit, canibus committere sanctum,  
 Vel suis rubro collectam è gurgite concham.  
 Quippe fore, ut nitidum rostris pedibûsque lapillum  
 Hi calcent, illi morsu lacerare cruento  
 Obuersi authores diuini muneris instent.  
 Pura etenim puro est aptissima test a liquori,  
 Cœlitus atq; cadens diuini gratia roris,  
 Afflicta & tristi longè est gratissima menti.*

### De Occasione.

*P*alladis Ausonius miles, Phœbiq; sacerdos,  
 Celtarum, patria Burdegaleq; decus,  
 Temporis è Gracis sic desumpsisse figuram  
 Dicitur, & graphicis composuisse modis:  
 Luxuriat fluxus generoso in vertice crinis,  
 At glabra deformat posteriora, cutis.  
 Insistitq; rota volucris, sphaeraue rotunda;  
 Deniq; falx ambas armat acuta manus.  
 Atqui non satis est externo in cortice tantum  
 Harere, aut prima sistere fronte gradum:  
 Altius at penitus figendum est lumen in istum  
 Silenum, sub quo mystica sensa latent.  
 Quid sibi vult facies hinc calua, atque indè comata?  
 Quid rarum docet hoc in muliere malum?

Carpe

Carpe horam iuuenis, celeri ne crede diei,  
 Vtere, dum fas est, tempore, nāq<sub>3</sub> fugit.  
 Nāq<sub>3</sub> fugit rapido nunquam remeabile gressu,  
 Decursaq<sub>3</sub> negat posse redire via.  
 Ad studium nos hac virtutis adurget imago,  
 Aetas dum patitur florida, dūmq<sub>3</sub> fauet.  
 Temporis ut nobis ratio benè iusta peracti  
 Constat apūd<sub>3</sub> homines, constet apūd<sub>3</sub> Deum.  
 Cur orbem pedibus celerem premit? id monet, esse  
 In cursu, ac nunquam sistere posse diem.  
 Jam superest, nobis falcis quid monstret imago,  
 Dicere. Quid nos vult mucro docere minax?  
 Omnia mordaci quòd carpit dente vetustas,  
 Quae Soligniferis despicit actus equis.  
 Nil proprium, constans, solidum aut durabile, fallax  
 (Virtutem prudens excipe) mundus habet.  
 Una aciem falcis virtus obtundit, in auras  
 Cetera vanescunt, ceu vapor, aethereas.

#### De laudibus doctrinae.

Quisquis Palladias postponere sustinet arteis  
 Auro quantumvis multo, gemmae nitenti,  
 Fallitur is, densa obductus caligine mentem,  
 Consimilis pecori rationis lumine casso.  
 Nāq<sub>3</sub> hominem à pigro quidnam secernit asello,  
 Quàm ratio & promptae vocalia munera linguae?  
 Aut, si vera loqui volumus, pietasque fidesque?  
 Denique homini cultum supremi numinis unum,  
 Tantum aberit miser à felici sorte, creatus  
 Quam spectat, nihil ut proiectius, ut nihil usquam  
 Vilius ostendat qui conspicit omnia Phœbus.  
 At sine doctrina recto moderamine caca est  
 Religio, adq<sub>3</sub> scopum fallax collimat iniquum.  
 Ergo agetum, sacras fili o charissime Musas  
 Secteris, sitq<sub>3</sub> hac tibi prima & maxima cura,  
 Quae homini melius magni nil arbiter orbis

Indulget,

*Indulſit, ſed carpe diem, atque incumbitò chartis,  
 Dum vires anniqꝫ fauent, dum flexilis atas,  
 Dúmꝫ, viget calidus iuuenili in corpore ſanguis.  
 Námꝫ, ea qua ſequitur, caſtis non aqua Camœnis,  
 Degenerat multum, atqꝫ in peius deſluit atas.  
 Dum viret, hanc prudens diſpenſa; atque arripe tempus,  
 Dum patitur premi, volat irrenocabilis hora.  
 Siſqꝫ memor propero tibi quàm pede lata iuuentus  
 Terga dabit: credens omne interiſſe diei  
 Momentum, ſtudijs quod non Tritonia honeſtis  
 Vendicat, ut docto teſtatur Plinius ore.  
 Hac hominem aſſimulat Genys ſine fine beatis:  
 Hanc honor & blando comitatur Gratia vultu.  
 Efficit hac ſummis gratum acceptúmꝫ, Monarchis;  
 Atqꝫ bonum patria, ſapientem & voce potentem,  
 Sed non Aonias celebrare hoc carmine Divas  
 Eſt animus, quia iam ſpacijs conſtringimur arctis  
 Temporis; Atqꝫ ipſas plena ſua buccina voce  
 Diffundit, vaſtus quàm latè oſtenditur orbis,  
 Emula Phœbeis iaculantes lumina flammis.*

#### De Sole, & Borea.

*Æ Sopus Phrygia monſtroſus gentis alumnus,  
 Ingenio cuius ſe myſtica fabula debet,  
 Auricomum veniſſe olim in certamina Phœbum  
 Threiciúmꝫ, refert Borean: atque ecce pericli  
 Commoda materies aderat: nam fortè viator  
 Carpit iter, grandi depreſſus pondere terga,  
 Vtri excuſſa daret præſentem ſarcina palmam.  
 Irruit ille minax violento turbine, cuius  
 Impulſu Nereus, vaſtúſque perhorruit orbis,  
 Horrendúmꝫ, tonat fruſtrà; námꝫ, omne ruenti  
 Colleta obijciens conamen veſte viator  
 Propellit gelidum greſſu luctante Tyrannum,  
 Propoſitamque viam succumbere neſciens, haurit.  
 Iámꝫque vices adſunt Hyperionis, ille micanteis*

*Deprome*

Depromens radios sensim placidèque, per auras  
 Effundit tremulas, penetrantia tela, sagittas.  
 Iamque viatoris lassititubantia tandem  
 Genua labant, salsumq; exudant membra vaporem;  
 Impatiensque aestus, onus haud iam molle, virenti  
 Et sese, iniecit, defecto poplite, terra.  
 Incluta Phœbeis cessit victoria flammis.  
 Discimus hinc, animi quanto praeponderet acris  
 Corporea moli virtus: Mauortiaque arma,  
 (Magnus ut asseruit facundo Tullius ore)  
 Posse parum, vigilans nisi sit sapientia Consul,  
 Imperiūque domi teneat, vireisque gubernet.  
 Nec longum officij aut fidum perstare magistrum  
 Custodemue, Metum; ratio nam ducit amicè,  
 Vis trahit. In summa, solerti Palladis arte,  
 Vixdum septenos puerum à natalibus annos  
 Egressum, nullomoliri posse labore  
 Plusquam centenas inculto robore dextras,  
 Rara Syracosij Geometra virga docebat,  
 Qui primus teretem Sphaera iniecisse Cylindrum  
 Dicitur, & rapidi pinxisse volumina cœli.  
 Organa dum, diuæ præclara inuenta Sophia,  
 Bellica, Trinacrij gratum consingit in usum  
 Principis, & patria meditaturs commoda terra.

### De vera foelicitate.

**D**ic, precor, argentum quid sit? dic quid sit & aurum?  
 Hoc modo per superos dic mihi quaeso deos?  
 Quid nisi terra putris, vario distincta colore?  
 Hæc rutilat fulgens, candet & illa nitens.  
 Sic diuus fertur docuisse Hieronymus olim,  
 Aetherei interpres maximus eloquij.  
 Quid pelles (vita ludibria vana) superba,  
 Quàm spolia è captis, exuuiæq; feris?  
 Gemma quid (oro) micans? Phœbeis tempore longo  
 Concretus radijs, coctilis atque liquor.

H

Que

Qua non ullus homo, nisi quantum postulat usus,  
 Aut probus, aut votis captat habere pius.  
 Unicus hic nobis, hic murus aeneus esto,  
 Ad quem collimet mens satiata scopum,  
 Extra hominem nihil esse usquam, quod reddere possit  
 Faelicem, hoc solis mentis inesse bonis.  
 Hoc non regna dabunt, non vita splendor, honoꝛsue  
 Non illustre genus, diuitiae Mida.  
 Cuncta haec namque fluunt, rapidoque citatiꝛ Euro  
 Vanescunt, veluti fumus & umbra sequax.  
 Hac qui non tenuit, Pharijs immersa tenebris  
 Corda gerit, quicquam nec sapit ille Dei.  
 Nam si terrestris reddit fortuna beatum,  
 Est certè infelix & miser, huius inops.  
 Aeternum floret, regnatque heroica virtus,  
 Quam penes est unam gloria, vita, decus.  
 Non hanc fraus mendax specioso compta colore,  
 Non rapit hanc vis, aut furis adunca manus.  
 Mobilis hac una est fortuna immunis ab ictu,  
 A filo pendent cetera quaeque leui.  
 Inuersus quisquis negat haec, Apuleius esto,  
 Humana in specie, cetera vile pecus.

## De memoria vi.

QVanta sint & opes, & quanta potentia Diua  
 Mnemosynes, dubitet mens agra, fidesque laboret,  
 Ni prudens vita praeceptor traderet usus.  
 Nec dos ulla viget diuini muneris, in qua  
 Mens magis aetherei se iactet origine caeli.  
 Sed non immensas huius expromere vireis  
 Est animus, tantum è medio depromere aceruo  
 In specimen, vacuisque libet committere chartis,  
 Immortale quibus decus hac famamque parauit:  
 Ut pateat, quantum diuina hic spiritus aera  
 Polleat, extensus nervos si exercitet omneis,  
 Primus Cecropijs nobis occurrit ab oris,

Ecce

Sunt, quibus est cordi Pisao è pulvere palma,  
 Vitata & rapidis meta petita rotis;  
 Quos inuat immensum titulis spargenda per orbem  
 Gloria, & athereis amula fama Deis.  
 Sunt, quos ad summos numerosus punctus honores  
 Romulidum tollit, tergeminumque decus.  
 Est alius, duro docilem cui vomere terram  
 Et patria incuruo rura mouere libet.  
 Hunc si flaua Ceres altorespectet Olympo,  
 Ubere distendens horreamagna penu:  
 Non ullo sortem precio commutat auitam,  
 Agaa ut timidus nauta profunda secet.  
 Mercator vita metuens, urgentibus Austris,  
 Dum maris & coeli vasta ruina tonat;  
 Fœlices iactat civeis, solamina ruris  
 Predicat, & patriæ mœnia tuta sua.  
 Mox tamen ereptus pelago, portuque potitus,  
 Subductas sarcit, restituitque rates.  
 Usque adeo miserum est, parca iam stare quieti,  
 Indocili curtam pauperiemque pati.  
 Martius aſt multos aris canor, & tuba belli,  
 Munia gaudentes ad lacrimosa rapit.  
 Venatu indulgens alius, nec curat amata  
 Coniugis, infesti nec meminisse Iouis.  
 Seu visa est rapida latrantum cerua cohorti,  
 Seu ruit obliquo dente tremendus aper.  
 Ille caput fontis sacraſi propter amenum,  
 Cœlibe diffusus sub platanœue cubat.  
 Continuâtque diem, curis exutus amaris,  
 Nunc Baccho & Cereri, nunc Venerique litans.  
 Me caſtis hedera dilecta premia frontis  
 Nobiliuant Muſis, diys faciuntque parem,  
 Egeliidumq; nemus, meruſtica numina, Panes,  
 Tergemina & Nymphis Gratia iuncta ſoror:  
 Si mihi dulce ſonans aſpiret fiſtula diuæ  
 Euterpres, blanda Terpſicorêſue fides,

*Si nec Lesbium refugit Polihymnia nablum  
Tendere, nec digitis plectra citare suis.  
Quod mihi si Lyrici permittis vatis honores,  
Si das Aonijs iura verenda chori,  
Excelsò seriam radiantes vertice stellas,  
Virumque ac resona voce mouebo polum.*

*De lusu à præceptore concessio.*

*Quamuis ingenuos lasciuia licentia mores  
Corrumpt, mentes inficiatque rudes:  
Vtiliusque fiet duris sauire lupatis,  
Libera lasciuo quàm dare lora gregi:  
(Exemplo iuuenis tristi Clpmeneius esto,  
Astrifero in Latium missus ab axe Padum)  
Cum tam blanda tamen, tamque officiosa dedisti  
Carmina, item docto carmina digna viro:  
Tyrones olim memores vixisse, minaci  
Et trepidam ferula supposuisse manum;  
Nos tibi nos studijs damus hoc communibus, utq;  
Nunc inita primum pignus amicitiae.  
Effundat sese spatiosus liber in agros  
Grexiuuenum, fessos letificetque animos.  
Colludentque pares animis, ac viribus aequis,  
Flos legat & florem, pes premat atque pedem.  
Seu certare iuuat cursu, nudatque palestra,  
Seu quibus ad metam missa sagitta placet,  
Seu tentare libet saltum, nandique periculum,  
Seu queis certamen saxeus orbis erit.  
Denique se oblectent lusu, sed semper honesto,  
Tertia declinem cum rotat hora diem.*

*Quis Deus? & qualis.*

*Vis Deus, & qualis, cœlestis littera pandit:  
Spiritus aternus, mensura & corporis experts:  
Vnicus & rector, spaciosi & conditor orbis.  
Cuncta tuens, & cuncta potens, sanctusque, bonusque,  
Omnia*

*Omnia sufficiens, sapiens, atque arbiter equi,  
 Clemens, ad veniam propensus, tardus ad iram,  
 Aspectum fugiens, cum nil sit clarius ipso;  
 Nescit principii substantia, nescia finis.  
 Hac scriptura docet, ratio submissa quiescat,  
 Humana captum transcendunt cetera mentis.*

*In Raphaelis Holinshedi Chronica,  
 Ranulphus Barlous.*

**T**Empora qui loquitur, seriem qui denotat aui,  
*In memores Fastos qui trahit atque dies :*  
 Temporis hic custos, & dispensator habetur,  
*Atque illud servat, cuncta quod interimit.*  
*At quis Holinshedo de Tempore plurare clusit ?*  
*Sine quis Annales fusiùs explicuit ?*  
*Parce ergò ó Tempus fidum temerare patronum,*  
*Cultoremque tui fac recolendo colas.*  
*Parce, inquam, curua qua demetis omnia falci,*  
*Hoc opus expungat ne cariosa dies.*  
*Quin potiùs charum geminis amplectitor vlnis*  
*Praconem, officijs atque repende vices.*  
*Aequo id si facias animo, tibi gratia habenda est:*  
*Sin minùs, inuito Tempore stabit opus.*  
*Vinet Holinshedus cum Tempore, Tempus in omne,*  
*Atque ultra Tempus, quod Deus ipse dabit.*  
*Cum Nox atque Dies, cum Tempus desinet ipsum,*  
*Tunc opus hoc clarum desinet esse simul.*

*Vna Epistolarum Politiani ad Lauren-  
 tium Medicem, carmine  
 reddita.*

**A**Mniugo affinis cygno est similisque Poeta,  
*Ambo candentes, & amantes fluminis ambo.*  
*Dulcè canunt ambo, Phoëbo charissimi & ambo.*

*Sed*

Sed refugit cantum Zephyri in gratia, cygni,  
Aspice, pulchrum canisq; ducit atq; amantem  
Tristia ne tu igitur mirere silentia, cum tu  
Qui meus es Zephyrus, non speres, verberibus, Iben.  
Eben, nec blandum mihi Musa infundat amorem.

### De Digitis.

Robora prepollens digitus, sit novius Index  
Proximus indicio praeclarus, dicuntur Index.  
Duplex medius, meritisque Infamis bovis.  
Aureus exornas quem circulus, is Adornatus sit.  
Ultimus est aureus fodiens, sicut Auricularis.

Distichon Epitaphicum, aeri incisum, & tumulo  
D. Ioannis Brunsvici, Praeceptoris optimi, in tem-  
plo Maclesfeldensi apud Cestresbyrios sepulti &  
repulchrae factis, affixum: qui placidissime in Do-  
mino obdormiuit 15. Aprilis, 1589.

Alpha Poetarum, Corollae Grammaticarum,  
Padomum Plurium, haec sepelitur humo.  
Thomas Newtonus.

FINIS.

